

**ASSOCIATE GENERAL SECRETARY
i/c SERVICE REPORT.**

Assembly palai zawng zawngte chibai ka buk a che u. Kumin hi hotute inthlak kum a ni a, April 2014 chhungin AGS leh Department/ Institution heads zawng zawngten charge an la kim. Tun term atang hian BCO (Nauhnuchham enkawlina) chu Medical & Health Department atangin Social Concern Department kutah a lo awm ta a. April 2013 atangin BCO Manager thar Rev. Sangliankhuma Chinzah in charge a la. Christian Education leh Communication Department chu Director pakhat Rev.V. Vanlalchhungan a kawp a. Term hmasa lama kan neih loh General Manager BLP chu Rev. P.C. Liandulan a chang a. Medical Superintendent thar Upa Dr. B. Laldinlian charge a la a, R & D Director Rbt. M.S. Dawngliana, Hatim Principal Dr. Chawngthanpari leh BHSS Principal a ngai Pu C. Lalhminguana te an ni a. Social Concern Department-ah Organiser thar PG & PAC atan Rev. Lianchhunga Kiangte ruat a ni a, Organiser Chhristian Counselling a ngai Ni. Daisy Zomuani a ni. Education leh Social Concern Department Director erawh chu indaih lohna avangin a changtu AGS in a kawp a ni

1. Palaina : CMC Vellore Council Meetingah Dr. B. Laldinlian Medical Superintendent tum 3 a tel a, Rev. Lalbiaksanga Chinzah tum 2 a tel thei a, UNODC Care Chanel of Hope Workshop World Vision buatsaihah member 8 kan intir a, Pu M.S. Dawngliana R & D Director a hna kaihnawihah Myanmar/Thailand ah te palaiin a kal bawk.

2. Thawktute: Service Department hnuai ah hetiang hi thawktu neih dan a ni.

(1)	Medical & Health Department	-	160	
(2)	Education Department	-	133	
(3)	BLP (BLS & BPP) Department	-	40	
(4)	Communication Department	-		6
(5)	Christian Education Department	-	3	
(6)	Social Concern Department	-		9
(7)	<u>Rilief & Development Department</u>	-		<u>5</u>
	Total	=		356

3. Thawktu lak thar: Kumin chhungin hetiang hian thawktu thar lak a ni.

(1)	Education Department	-	6	
(2)	Medical & Health Department	-	4	
(3)	Social Concern Department	-		1

4. Thawktu Pensionte: A hnuai amite hi kumin chhungin pension in an chhuak

Sl/No	Hming	Hna	Department	Pension hun
(1)	Upa Dr.K.Vanlallawma M.O		Medical	1.5.2013
(2)	Upa Zairethanga SailoDriver		-do-	1.8.2013
(3)	Pu H. Kapthanga	IV Grade	-do-	1.8.2013

5. Zir/Training: Kumin chhungin hetiang hian training/zir leh turin intirh a ni.

(1)	Education Department	-	4	
(2)	Medical Department	-	6	
(3)	R & D Department	-	1	
	Total	=		11

Medical Department mawhphurtu ruat tharte: Term thar atan a hnuai mite hi heng mawhphurhna chelh tura ruat an ni.

- (1) Deputy Medical Supptd.- Dr. B. Lalrinzauvi
- (2) Asst. Nursing Superintendent - Mrs P.C. Lalliandingi
- (3) Vice Principal Nursing School - Mrs. Vanlalthlengliani
- (4) Hostel Warden - Mrs. R. Vanlalruati

6. **Assembly Thu umzuina:** Assembly 2012 thu pass umzuiin corruption chungchangah BCM Thuchhuah 2013 siam a ni a. Kohhran tinah chhiar chhuah a ni bawk. Thil siam dangte humhalh thu umzui a ni a, Sex Education chungchang nen Bialtu Pastor te hetiang lam sawi tam tura ngen an ni a. Cable TV neitu/Operator te film thalo chhuah lo tura ngenna siam a ni a. TKP/KNP hotute sex chungchang zirtirna pe tam tura ngen an ni bawk. Hemi bakah hian Social Concern Department hmalakna hi MLA inthlan 2013 atan thu chhuah siam a ni a, Social Welfare leh Health Department te ngenna in World Aids Day (1st Dec.2013)ah thuchah tih chhuah a ni a. HIV/AIDS te pualin Candle Light Service buatsaih a ni a. HIV/AIDS te pualin Lunglei ah inpawlhona ni khat buatsaih a ni. Bru helin an hrente pual leh harsatna dang a thlen zui loh nan tawngtai tura ngenna siam a ni
7. **Department hrang hrang dinhmun leh rawngbawlina tlangpui:** Kumin hi malsawmna kan dawn kum tak a ni a. Hatim leh BHSS result a tha a, Top tenah mi 19 kan nei a, GNM (Nurse) result kan neih that kum a ni bawk topper 1 leh top ten 3 kan nei. M.P Pu C.L. Ruala leh MLA Pu Joseph Lalhimpuia te puihnain BHSS Girls Hostel Kitchen-Dining Hall thar leh School leh Office inkal pawhna Overbridge kan nei a, LAD Minister Pu P.C. Lalthanliana leh UD & PA Minister Pu Zodintluanga te tanpuina in kan Hospital compound leh kawngte chei leh tih changtlun a ni a, Hatim campus thar tur Kawmzawlah field zau tha tak min laih sak bawk. NECS (North East Consultancy Services) leh Social Welfare Department ten Hatim campus ah Girls Hostel min sak sak mek. Falkawn Town Clinic tih changtlun a ni a, Hospital (Serkawn) chhung leh choka a theih anga renovate a ni. Hatim Boys Hostel leh choka (dining) hall peih thaw khat a ni a, April thla a insuan chhoh theih beisei a ni. Hatim campus Kawmzawlah hian Bial/Tualchhung leh Fellowship ten hnatlang an rawn thawk thin a, a lawmawm hle. R & D hmalakna puanthui zir, skill, farming training, Child Development Project te tha takin a kal zel a, hmun hrang hranga chhiatna tuartute chhawmdawl nan Rs 2,78,500.00 bakah Rangva 120 bandles, Silpouline 150, Thosilen 148 leh Second hand bag 85 leh eitur engemaw zat pek chhuah a ni.
8. **Hmasawmna :** Printing Press, BLS leh Hospitalah te hmanraw thar – Generator 15 KVA 2, Web-Offset, Double Head Machine, Perfect Binder etc. te neih thar a ni a, MBKHP ten Lawngtlai a hman tur Ultrasound khawl an lei a, MTKP ten Diathermy Christian Hospital atan an lei bawk a, a lawmawm hle. Christian Education leh Communication Department hmalakna Sunday School zirlai bakah lehkhaw dang engemaw zat chhut tura hmalak mek a ni a, Calendar/Diary tihchhuah leh a ni a. Kohhran Beng/Baptist Today tha takin a kal zel. Assembly 2013 thudah bawhzuiin Communication Department chuan LPS Chanel 5-ah nitin tlai dar 5:00-7:00 Pm chhungin BCM rawngbawlina hrang hrang tihlan thin a ni. Duhthu a la sam rih lo hle a, zawi zawia a programme hi tih changtlun tum a ni.
9. **Department hotute rawngbawlina:** Kumin chhung hian Department/Institution head te leh Committee memberte Christian Education/Communication/BLP/Social Concern awareness leh campaign neiin Bial/Tualchhung Kohhran hmun hrang hrangah an feh chhuak reng a. HIV/AIDS, Counselling, BCO awareness programme hrang hrangah Rev. Lianchhunga Khiangte Organiser PG & PAC, Rev. Sangliankhuma Chinzah Manager BCO leh Organiser Christian Counselling, NI.Daisy Zomuani leh Counsellor te hmun hrang hrangah an zin chhuak a. Social Concern Department awareness programme vawi 3 Lunglei North ah Pastor bial 2, Lunglei South ah Pastor bial 4 leh

Lawngtlai Town Pastor bial 3 ah neih a ni. Lunglei khawpui chhunga chhanchhuahna Home/Centre hrang hrangte tlawh a ni a, an thawktute training buatsaih sak a ni bawk.

10. AGS Service rawngbawlna: Palaina bakah hengah te hian AGS rawngbawlin a kal- Leite bial hawn, Mamte, Peniel (Sangau) Blak in hawn, Ramlaitui Kohhran Centenary hmanpui bakah Haulawng bial, Leite Bial, Hnahthial South bial, Tlabung, Muallianpui leh Serte bialah te a kal a, Chakma Baptist Church Assembly vawi 1 naah a kal bawk a.Heng bakah Rescue Centre, Chhawmdawlna In, Bethel Centre, Motherless baby Home, Lawngtlai a tlawh a, BCM Chanchinbu hrang hrang Editors te kohkhawm an ni a, Editorial Board member te nen titihona neih a ni a. Zobawk Pastor bial Church Growth Seminar ah resource person atan hman a n bawk. Hengte hi a tlangpui a ni a,, Assembly bu ah report kimchanga beisei a ni.

Rev. Lalbiaksanga Chinzah